

达摩出身传 灯传

佚名

文硕阁

wenshuoge.com

关于我们	4
玉帝降神出世	6
达磨慧辨	7
达磨更名	8
达磨得道	9
问师	10
究问吉祥	11
复问根源	12
多罗圆寂	13
达磨提化本国	14
分立六宗	15
思辟六宗	16
达磨辟有相	17
达磨辟无相	18
达磨定慧宗	19
辟戒行宗	20
辟无得宗	21
辟寂静宗	22
达磨叹六宗	23
异见王毁三宝	24
众臣上建章休毁三宝	25
达磨求见老臣	26
达磨思救国王	27
宗胜潜见国王	28
屈于王辩	29
波罗见国王	30
宗胜捐躯投崖	31
见王差使迎接达师	32
为王忤罪	33
宗胜从容辞诏	34
达磨为王疗病	35
达磨辞王南渡	36
国王海堧钱别	37
达磨计伏蛟龙	38
达磨收伏神虎	39
达磨舟达南海	40

萧昂具表奏君	41
梁王接见达磨	42
梁王舍身事佛	43
梁王自矜功德	44
武帝不悟经义	45
达磨嵩山演教	47
神光弃儒从释	48
神光欲从达磨	49
神光励志求师	50
神光立雪从师	51
神光断臂见志	52
达磨为光改名	53
慧可请问法印	54
岳神听师讲经	55
国王思慕达磨	56
少林寺访师	57
志欲西归	58
初授慧可	59
江北龙吟虎啸	61
嵩山鹤唳猿啼	62
灯幡迎接达磨	63
土神望问岳帝	64
岳帝挽留达磨	65
达磨再授慧可	66
达磨三授慧可	67
达磨游千圣寺	68
杨太守谒达磨	69
太守为师除难	70
武帝迎请达磨	72
宋云趋朝复命	73
撰碑赐谥	74
达师指慧逃走	77
罗汉赴会	79
慧可逃走	80
神光白日升天	81

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

玉帝降神出世

菩提达磨禅师，南印度香至国王第三子也，姓刹帝利，初名菩提多那，性极聪慧，质极纯笃，好善布施，名闻里闾。早年有志沙门，第未得高人印证。及遇二十七祖般若多罗远来行化，香至国王方崇奉佛教，接见多罗，即隆礼供养，赐施以无价宝珠，又命三子师事之。故达磨得为南渡始祖，其源流盖出此处。

多那□□正纯良，早岁勤修上宝航。

后得高人为点化，渡南作个破天荒。

美国王诗：

国王奉佛意何诚，供养多罗渥且勤。不吝宝珠为锡予，又令三子出其门。

达磨慧辨

一日，多罗师与三王子在法堂讲谈经典。有顷，出国王所赐之珠，问三子曰：“此珠圆明可爱，人身、世上有何物可能比及。”多罗问虽在珠，实窥三子所得也。长子、次子固于寻常所见，皆曰：“此珠，七宝中尊，固无逾也。”二子独羡径寸无价之珠，殊不知人身方寸之珠也。独三子菩提多那回：“此是世宝，未足为上，于诸宝中，法宝为上；此是世光，未足为上。于诸光中，智光为上；若人，能明是宝。宝不自宝，有人能辨是珠；珠不自珠，则爱己又能爱人，达人不徒自达，方为圆明莫及。”多罗叹其慧辨。有诗为证。

美珠诗：

出珠突问众储君，世上圆明孰为真。

匪谓三子皆燕石，试他慧辨智超群。

达磨更名

般若多罗又谓菩提多那曰：“子明于论珠，必明于论相。且问，诸物中何物无相？”多那曰：“诸物中不起无相。”多罗器其不凡，遂渭曰：“聆子慧辨，于色相已磨刮皆空，于宗旨已通达殆尽。吾为汝更名曰达磨。夫达磨者，通大之仪也。子顾名思义，如来正统，予目望子传之。”有诗为证：

三子均为帝裔苗，菩提慧辨果无俦。

多罗知为传灯器，欲把真宗向彼投。

达磨得道

达磨自从游于多罗门下，（原书下缺115字。其断续可见者为：“...味恭深教义服勤...将奥义与其师...且为说偈曰：心地..果满..）

问师

达磨传了多罗衣钵，因谓师曰：“吾劝为法，当往何国而作佛事？愿垂开示。”多罗尊者曰：“汝虽得法，只今一味可远游，且止南天，待吾灭后六十年余，当往震旦，设大法药，直接善根。目下慎勿速行。”达磨又问：“彼处有大士比作法器否，千载之下有留难否？”多罗尊者曰：“汝所化之方，获菩提者不可胜数。汝至南方不可彼国众民徒好有为功业，而不可见如来妙理亦不可者被久留。”又说偈云：

路行跨水复逢羊，独自凄凄暗渡江。目下可怜双象鸟，三株嫩桂又𡵓𡵓。

究问吉祥

达磨又问般若师曰：“自两端之外，此后更有何事？乞为开示。”般若曰：“此后一百五十年，笔当有小难相临。”达磨又问曰：“后当有解救否？”多若师曰：“吾有讖语数言，遗子参验。讖曰：

心中虽吉外头凶，川下僧凶名不中。为遇毒龙生武子，忽逢小口寂无穷。

复问根源

达磨曰：“百五十年后当有小难，弟子已闻讖命矣。弟子千百年来未来，上人皆见之眉端，此后事，乞再为开示。”般若曰：“越后二百二十年，林下有一人，当得道果。吾有讖记亦遗汝参验：

云端虽闲无敬路，要从儿孙脚下行。金鸡解衔一粒粟，供养十方罗汉僧。

多罗圆寂

宋孝宗大明元年，般若师自放二十七道神光在空，现出一十八变，白日升天而逝矣。达磨祖将师皮囊阁维舍利建塔，始继其志，述其事，提化本国。远近众生，知达磨道得真传，皆靡然向风从之，窃隙光以自点，浚余润以自游。美师圆寂诗：

多罗圆寂放神光，现变无穷出异常。达祖绍师宣佛教，化行本国德无量。

达磨提化本国

达磨在本国弘宣佛教。遵师者昔日“未可远行”之命也。时本国有二禅师，一为佛大仙，一名佛大胜多。早年与达磨同学佛陀跋陀小乘禅观。佛大仙获遇般若多罗，始悟昔日所学之差。二人遂弃其学而学焉。慕道之僧，得高人印心，一点即化，当时号为二甘露门。有诗为证：

本国沙门胜与仙，二人同学小禅观。改师般若得宗旨，三子齐声甘露轩。

分立六宗

达磨与佛仙、大胜多先是学术同一源流，独胜多沉溺于旁门小乘，不知多罗为正派。遂更分徒众而立为六宗门户：第一有相宗，第二无相宗，第三定慧宗，第四戒行宗，第五戒无得宗，第六寂静宗。各封己解，别展化源，聚落峥嵘，驳谈喧闹。达磨师喟然叹曰：“胜多自身已陷牛迹，况复支漏学盖而山分六宗。我若不除，永缠邪见，佛法不扬。虽彼更分之过，亦吾阿纵之罪也。”美达磨诗：

胜多沉溺小旁门，分立诸宗大乱真。身且不知牛迹陷，何为喧闹乱纷纷。

思辟六宗

达磨师为如来扶正统，欲正六宗三谬。自思曰：“合而壁之，则势愈固；骤而正之，则言无渐。莫若循次与彼辩证，则正可以法邪，真可以除妄。服得一宗，则诸宗望风归附。此儒者待异端，不恶而严之道也。吾何为独不然。”美六宗诗：

旁门立六宗，狂奴傲主翁。建议驱除策，纵容渐次攻。

达磨辟有相

一日，达磨师微现神力，潜至有相问曰：“一切诸法，何名实相？”彼众中有一萨婆罗答曰：“于诸相中不互诸相，是名无相。”师驱之曰：“一切诸相而不相互者，若名无相，当何定耶？”萨婆罗答曰：“于诸相中，实无有定。若定诸相，何名为实？”师又曰：“诸相不定，便名无实。汝今不定，当何得之？”彼曰：“我言不定，不说诸相，当说清相，其仪曰亦然。”师又曰：“汝言不定，当为实相定不定故即非实相。”彼曰：“定既不定，即非实相，非故不定不变。”师曰：“汝今不变，何为实相？已变已往，其义亦然。”彼曰：“不变尚在在不在故，故变无相以定其义。”师曰：“实相不变，不变即非实。于有无中，何名实相？”萨婆罗心知吾师去潜达，即以手指虚空曰：“此是世间，有相亦能空，故尚我此身得似此否？”师曰：“若解实相，即见非相。若了非相，其色亦然，当于色中不失色体，于作相中不碍有，故若能是解，此名实相。”彼众闻言，心意朗然，钦礼信爱，师既瞥然匿迹。

美辨相诗：

宗名实相意何如，幸为修陈发我遇。只恐相空无实相，多因幻妄堕迷途。

萨婆罗诗：

相名无相何能定，不定难言相有真。变故循环非在在，有无流转却津津。

达磨悟诗：

实相何能变，有中怎说无。婆罗能是解，逃墨必归儒。

达磨辟无相

一日，达磨师无微显神力，至无相宗问曰：“汝言无相，尚何证之？”

彼众有婆罗提答曰：“我明无相，心不现故。”师曰：“汝既心不现，尚何明之。”彼曰：“我明无相，心不取舍，尚于明时，亦无当者。”师曰：“于诸有无，心不取舍，又无尚者，诸明无故。”彼曰：“入佛三昧，尚无所得，何况无相，而欲知之。”师曰：“相既不知，谁云有无，尚无所得，何名三昧？”彼曰：“我说不证，证无所证，非三昧，故我说三昧。”师曰：“非三昧者，何尚名之。汝既不证，非证何证。”婆罗提闻师辨析，既悟本心，礼谢于师，忏悔往谬。祖即曰：“汝尚得果，不久证之。此国有魔，非久降之。”言讫，忽然其师一时不见。

美六宗师：

实相诸徒已觉非，此宗无相亦须规。问渠无相居何义，恐与沙门道裂支。

婆罗提答诗：

我名无相隐俾论，三昧圆融罔执循。变化莫知神明境，能将口说为君闻。

达磨复诗：

无得三昧相，莫当三昧名。婆罗闻慧辨，即悟性三灵。

达磨定慧宗

达磨师一言，能使有相宗、无相宗开悟。于是，又往定慧宗问曰：“汝学定慧，有一有二。”彼众中有婆兰陀者，乃一宗领袖，对曰：“我师所教，定慧非一非二。”师曰：“非一非二，何名定慧？”彼答曰：“在宗非定，处慧非慧，一既非一，二亦不二。”师驳之曰：“尚一不一，尚二不二，即非定慧，亦何定慧？”彼曰：“不一不二，定慧能知，非定非慧，亦复然之。”师曰：“慧非定故然何知哉。不一不二，谁定谁慧？”婆兰陀闻师之言，昔日陷溺迷障，阖然冰释。为问曰：“佛法无疆，论慧辨慧，命之矣。”

美慧宗诗：

定慧为宗立户门，愿将奥义诉知闻。如来定慧非同汝，圆妄难容势道存。

兰陀答达磨诗：

定慧如何一二拘，胜师得传走盘珠。定无宗处慧非慧，一二拘□是背师。

达磨悟兰陀诗：

值数而违数，当名不副名。金绳开觉□，革旧自归戏。

辟戒行宗

有相宗归吾教，无相宗归吾教，定慧宗亦归吾教。戒行宗与吾为二，则佛道分裂，吾性尤有愧也。次日，达磨师又至戒行宗，问曰：“何者名戒？何者名行。尚此戒行，为一为二？”彼众中有一贤者，不道姓名，出席答曰：“一二二一，皆彼此生。”师曰：“依教不及于行内为非名，何名为戒。”彼曰：“我有内外，彼已知觉。既得通达，便是戒行。若违背说，俱是俱非，言及清静，既戒即行。”师曰：“俱是俱非，何言清静；既得通故，何谈内外。”贤者在梦觉关，一呼即醒，谓师曰：“不登高不知天之高，不入底不知地之厚也。予始悟今是而听辨矣。”师曰：“吾过数年，必往南渡。汝南渡后功德广大矣。”

美戒行诗：

一祖同仁佛量弘，不令度外蟹横行。宗名戒行非天谓，指出平川路上人。

贤音答诗：

一二二一出师传，依教无缙曰戒行。知觉通过无内外，是非清静妙超玄。

达磨复诗：

依教即有染，破教何云依。通过是非故，揭封似剖篱。

辟无得宗

四宗虽已开悟，无得宗与寂静宗沉迷犹故也。达磨师不忍置之二宗于度外，亦欲收归至一之中。一日，又至无得宗，问曰：“汝云无得，无得何得，既无所得，亦无得得。”彼众中有宝静者答曰：“我说无得，亦无得得，尚说得得，无得是得。”师曰：“汝得既不得，得亦非得既云得得，何得非得。”彼曰：“得得是得。若见不得，名为得得。”达磨师曰：“得既非得，得得无得，既无所得，尚何得得。”宝静闻言，拜首曰：“若非金绳，谁开觉路。若非宝筏，几堕迷川，弟子今知回头矣。”达磨曰：“汝今虔心慕道修完，自然功德浩大。我今把二藏经卷与你收下。”静者曰：“谨依佛法。”

美五宗诗：

勤修无得曷言僧，得了真宗断业根。无得名宗应有意，请君为我说真原。

宝静答达磨诗：

如来立教总归无，不欲形声带觉吾。眼内但知无是主，性灵有得亦俱徂。

达磨悟宝静诗：

修佛无真得，如来解吾憚。梦中人唤醒，披露睹青天。

辟寂静宗

最后，达磨师到寂静宗问曰：“何名寂静？于此法中，谁静谁寂？”彼众中亦有一尊者答曰：“此心不动，是名为寂，于法无染，名之为静。”师曰：“本心不寂，要做寂静，本未寂静，何用寂静？”彼曰：“诸法本空，以空空于彼空空，故名寂静。”师驳之曰：“空空已空，诸法亦尔，寂静无相，何静何寂？”彼尊者一闻师言，如红炉点雪，须臾融化。谢曰：“不得其门而入，不见宗庙之礼，百官之畜，禅师今日之谓也。弟子何幸而闻万言之美，方悟之矣。”

美辟六宗诗：

寂静名宗出所传，循名责实请君言。区区亦有寂静旨，不识参同与改辕。

尊者答达磨诗：

此心不动名为寂，于法无备静所称。性内空空无一物，故名寂静为若详。

达磨悟尊者诗：

万法尽归空，谁教相寂宗。慧人炉点雪，瞬息一陶融。

达磨叹六宗

六宗未辟之先，各立门户，与达磨师并立为二。六宗既悟之后，各去邪就正，与达磨师混而为一，由是化被南天，声驰五印，经历六十载，普度无量力。众所谓妄不悟灭真，邪不能胜正是也。

美普度六宗师：

六宗悔悟尽归慈，化被南天誉溢间。六十余年施普度，亿千万众生亨衢。

异见王毁三宝

如来三宝之道，无一人不笃信，无一人不宗重，无不钦敬佛宝。独达磨之侄有异见王者，不信佛道，轻毁三宝。谓：“虚无寂灭之教，当摈之门墙之外，再不令窜入名教之中。”尝对群臣曰：“朕之祖宗，敬信佛道，陷于邪见，致寿年不永，祚运亦促。且我身是佛，何更外求。善恶报应，皆因多智之人，妄构其说，以簧鼓斯民。朕欲辟其非，以矫其诞，崇儒者中正之道，俾泽我生灵，巩我皇圆可矣。”王虽明于黜邪，而暗于用旧，凡硕德元勋，为前王所叙用者，一旦废黜殆尽，不令其列职于朝。

美毁三宝诗：

人皆信佛我宗儒，不为虚无所惑愚。试看祖宗崇佛教，寿年不永祚多虞。

众臣上建章休毁三宝

异见王即令指挥，焚其三宝。群臣谏曰：“我主因此小事，毁坏三宝，不可误了佛法。昔有地藏王，无子只生三女。二女皆招驸马，只有第三女妙善，坚心不肯招。国王闻此事大怒，即令其出家，其父再害他，赐法场绞死。忽见一虎，如天神似像，将他肉身背在山林，各样神佛俱来朝拜。我主听臣等奏，不可毁坏。臣各人俱是太祖徽下老臣，依臣等奏，臣等该奏，不依臣奏，臣等退班。”异见王闻言大怒曰：“老贼无礼，把藏王比孤。武士听吾旨，将数老贼痛打，罢官职，各人依律施刑。”不用旧臣诗：

勋庸耆旧国之祯，不敢留泽遗众生。空国只因善者去，门人孤立国蹇崩。

达磨求见老臣

毁言出于一人，三世母国毁也，佛道不可毁也。不知其是不必重。既知其非不必毁。眼前惟闻尊信者为罗汉，不闻轻毁者为圣美忠厚长者。毁官不出于己，毁佛无法祇新，其薄也。

达磨思救国王

达磨师自睹异见王所为如此，喟然叹曰：“不信佛则忘善，不用旧则废法德薄者蒙厚祸。我不思坐视宗庙沦亡，当思有以救之。”即念无相宗二首领，其一波罗提者，与王有缘，将其证果，此可与使者。其一宗胜者，非不博辩，而与异见王无宿困，此不可与使者。尚未令彼前行见王，解说其身之祸时，闻六宗徒众私相议曰：“国王有难，师何自安？”达磨师心会其意而弹指应之。盖欲有所指挥，第未宣泄于口也。徒众闻指声，相告云：“此是吾师达磨灵响，我等宜速行，以副慈命。”即趋至师所，礼拜问讯。

达磨思见王诗：

国王毁佛招灾危，贵疾禅师欲救之。欲命波罗与宗胜，见王解说改其非。

欲遣六宗诗：

六宗交口议其师，宗庙沦亡坐不支。忽听达磨弹指引，疾趋席末听支顺。

宗胜潜见国王

达磨师识得徒众来意，即启口问曰：“一叶翳空，孰能剪拂？”宗胜厉声应曰：“我虽浅薄，敢惮其行。师有指挥，惟命是诺。”达磨曰：“汝虽慧辨，道力未全，令汝见王，恐难感化。汝且退休，别有主义，不可怵猝。”宗胜潜自谓曰：“我师恐我见王，大作佛事，名誉显达，映遮尊威，纵彼福慧为王。我是沙门，受佛教如来传法，有何难抵敌见言不信佛教，以致如此。弟子即下起行。”言讫，潜至王所，广说法要及世界苦乐、人天善恶等事与王。往返精微，无不诣理。

宗胜、慧辩二人，行至中途，偶见笼内有一鸟雀，宗胜欲救度，复问达磨师曰：“不能度之，何以达？”师曰：“汝此去，吩咐他诈死，岂不度之。”宗胜拜谢即往。途中自叹曰：“佛法无疆，我佛如来逢难救难，逢灾救灾。”慧辩曰：“我和你二人，在此歇息片时，有逢灾逢难即救。”忽然有一孩童哭，哭啼乞救。宗胜问曰：“汝啼哭，何也？”其子答：“父母双亡，家下无力资送埋葬，我欲自尽。”宗胜、慧辩二人闻言，即取数两黄金赠他，其子告别而去。有诗为证：

达磨询问六宗徒，一叶翳空执剪除。和尚不嫌功浅薄，应唯宗胜敢推辞。

又诗：

汝虽慧辨无优全，难革王心改辙环。宗胜自吟禅教首，潜趋王所讲人天。

屈于王辩

异见王素不信佛教，及见宗胜，屈于慧辩协理，即问曰：“汝所解说，其法何在？可明白论来。”宗胜曰：“佛法治化，可以此类而观。欲知佛法，先当要论治化。且问，王所云道其佛法安在。”王又问曰：“朕所有道，将除邪法，汝所有法。将伏何？”宗胜无以对。达磨师此时未离慈座，已知宗胜义堕。遂告波罗提曰：“宗胜不禀吾教，潜行往化国王而屈于理辩，汝可速救。”波罗恭禀师旨云：“愿假神力。”即辞别而去。

行济度诗：

宗胜沙弥慧辩雄，殿前解说有涵容。讯君佛法令何在，明白倏陈便信从。

又差波罗诗：

佛法王猷可例观，绶谭佛法且谭君。词穷莫应君王驳，吩咐波罗往解难。

西江月劝见王调：

王母瑶池鸾鹤飞，蟠桃争献舞腰肢。腊残乳燕穿帘幕，春到流莺啭柳枝。

香满座上酒盈卮，神仙寿祝茂年诗。庭前戏彩双雏凤，堂佛诵经十二时。

波罗见国王

须臾，云生足下，波罗提直至异见王殿前，默然而立之。时，王正与宗胜辩驳，忽见波罗提乘云而至，愕然忘其问答，曰：“乘空来者，是正是邪？”提即答曰：“我非邪正，而来正邪；王心若正，我无邪心。”王虽惊异，而骄慢方炽，即摈宗胜，令之远出。波罗提曰：“王既有道，何摈沙门。我虽无解，愿王致问。”见王怒而问曰：“子之宗佛，必以佛为是也。且问，何者是佛？”波罗提答曰：“佛之教，虽不滞于有，亦不沦于无。惟见性是佛而已。”见王又问曰：“师见性否？”提答曰：“我不见自性，惟见佛性。”王问曰：“性在何处？惟于所见。”波罗提曰：“性在作用上见之。”王曰：“性蕴于中而难知，情发于外而易见，子徒作用上见性，盖亦令我见之。”提曰：“性之作用，现前即是，王自不见耳。”王曰：“寡人作用上亦有性否？”提曰：“作用种种皆是，王若寂然不用，其体亦自难见。”王曰：“若当用时，现处有几？”提曰：“陛下每日作用，其出现时大概有八。”王曰：“既有八处出现，当为寡人言之。”喟然叹曰：“佛法不可有误。”波罗说偈云：

在胎为身，处世为人，在眼若见，在耳若闻，在鼻辨香，在口谈论，在手执捉，在足运奔。

又云：

偏现俱该沙界，收摄在一微尘。识者知是佛性，不识唤作三魂。

宗胜捐躯投崖

异见王闻波罗提所说偈言，方寸了然领悟，乃悔前日轻悔之非，而求今日逃归之是。遂咨询法要，朝夕忘倦，迄于九旬。宗胜，先时用辩论不给，被王斥逐，遂退藏深山，自叹曰：“我今日，百出八十为非。师曾许我二十年来方归佛道。性虽忍昧，行施瑕疵，不能御难。我在世何用。因此事不能辩及见王，生不如死。”遂捐躯投崖，俄有神人，以手捧承，置于崖上，并无损伤。宗胜观看，并无一人，真乃异哉。

异见王悔悟诗：

佛性须从作用求，国王听说始回头。咨询法要忘疲倦，深悔先年冒死尤。

宗胜作诗：

行纪瑕疵验证修，不能御难重遗忧。深为奠若投崖死，虚度浮生八十秋。

美宗胜诗：

衣冠复赐意倦倦，但恐相逢又见嫌。且把一心行正道，管教父子得团圆。

（原书缺两面）

见王差使迎接达师

宗胜闻了神人偈言，欣然，即于岩间宴坐。此时，见王在国中，复问波罗提曰：“智辩虽出性生，亦由师训。今日，仁者谆谆智慧，果从学何人得来？”婆罗提答曰：“师不在远，子归而求之，有余师。问臣出家受业师，即娑罗寺乌沙婆三藏是也。若问臣出世师，虽名达磨，实王之叔菩提也。天渍有仁者，王牒有如来。大王今日悟后之问，徒能羡人之，徒不能宗自之叔，窃为大王不取也。”见王闻叔名，勃然惊骇。久之，谓波罗提曰：“鄙薄忝嗣王位，而超邪肯正，忘我得道之叔，取罪深重。”

国王询问诗：

国王询问波罗提，慧辩谆谆何所师？达磨原系菩提子，王之叔父某归依。

波罗答诗：

菩提王叔某之师，超悟禅宗见性虚。敕使迎请求忏悔，钦崇三宝求犹初。

又诗：

修佛无真德，如来解悟禅。梦中人唤醒，披雾睹青天。

为王忏罪

次日，见王具驾等候，迎请叔父返国。达师即随使而至，为王忏悔前非。王闻达师规诫，即百拜泣谢。又诏宗胜归国，左右大臣奏曰：“宗胜被王谪贬，自愧不能为王御难，捐躯投崖，已亡多时。臣矫诏，不敢奉命。”王告其叔曰：“宗胜之死，皆出于朕，不知大悲为朕如何忏悔，方免斯罪？”达师曰：“无伤也，宗胜现在岩间安息，有诏往召，彼即至矣。”王闻宗胜在，大悦，即遣使召之。使至山中，果见宗胜宴坐崖下，惔寂自若。有诗为证。

迎达磨诗：

闻说从师出懿亲，勃然变色觅心惊。宗盟不意生真佛，诏使迎归作福星。

见王赍诏诗：

宗胜投崖实朕愆，召之还国传经筵。使臣奉诏山中召，见彼端坐岩石巅。

宗胜从容辞诏

话说宗胜，在岩中坐禅，忽见天使诏临，即对使从容答曰：“贫僧无能，不能分毫裨益国家，誓愿老朽岩泉，证修佛事。王之国，济济多士。达磨是王之叔，现为六宗所师表。波罗提亦沙门领袖，法中龙象也。愿王崇仰二圣，以福皇基。臣不敢奉诏，趋陪左右。烦使者善为我辞焉。”有诗为证：

宗胜岩中只自修，不从天诏棹归舟。从容劝主尊亲叔，领袖波罗亦合收。

又自叙诗：

老朽岩泉汲寸长，证修佛事度时光。烦君善为辞丹诏，不得趋陪佐圣皇。

达磨为王疗病

本日，持诏官尚未复命，达磨师问王曰：“使臣奉尺三诏，知得取宗胜还国否？”王曰：“事难遥度，未可知也。”师曰：“一诏不至，再诏始来。”少顷，使还，呈上宗胜辞表，果如师语，王大惊服，再遣使召之。师回，辞王曰：“臣且暂去，陛下当益修善德。臣瞻龙体，不久当有疾。”达磨师去后七日，王果得疾。国医诊治，日见加重，不见疗愈。贵戚近臣，忆师前日辞去之言，即发使迎师曰：“主上遭疾弥笃，愿请慈悲，远来诊救。”师闻召，即随使至阙问疾。此时，宗胜承王再召，亦别岩间而归国见王。波罗提亦趋至禁榻问病。宗胜、波罗提问师曰：“目今当何施为，令主上免此疾危？”师曰：“疗疾无他策，着令东宫太子，为王宥罪施恩，崇奉三宝。复为忏悔，消除向日轻毁罪孽。如是行事者三，王疾始愈。”有诗为证：

圣躬颐养失天和，预识将来有厄磨。辞去叮咛无别话，急宜修德保沉痾。

又：

国王遭机势几危，急请慈悲为护持。免难莫如消罪孽，东宫太子好施为。

达磨辞王南渡

达磨师在本国演教六十余年。一日，念震旦缘熟，行化时至，乃令治装戒行。先辞祖塔，次别同学，后至王所告行，且慰而勉之曰：“臣去后，陛下当勤修百业，护持三宝。吾去非晚一九即回。”王闻师言，涕泪交集，曰：“叔父去留，关国家休咎。此国何罪，彼国何祥。既云震旦有缘，去志已决，车辙非所能挽。第慈悲虽大，惟愿不忘父母之邦。果满功还，早掉归帆，侄之大幸。”有诗为证：

化行震旦适于时，祖塔君王暂告违。去后最宜勤百业，护持三宝福疮痍。

王送达磨诗：

猝闻门外驾骊驹，涕泗滂沱失所依。震旦有缘行莫挽，梓桑之国莫交虚。

国王海堧饯别

次日，异见王以叔父达磨师远行，乃具大舟，与左右臣僚，移供帐，饯别于海堧之地，挥泪言曰：“离多会少，古语然也。叔父在国，不特寡人相安无事，虽四境之内，亦相安于无为。慈悲一去，则南人幸而西人悲也。敢问归期？”达磨曰：“臣忝奉教沙门，如来演教之身，普济天涯之客，归期无有定准，聚首亦难逆料。既有南渡，必有西归。今日泛泛扬舟，他时翩翩葱岭，是其验也。”有诗为证：

叔父宜留镇此邦，为何话别戒行装？海堧祖饯情难舍，回首天涯是异乡。

达磨答王诗：

奉职沙门普济弘，渡南难拟事功圆。君王若问归来日，葱岭翩翩遇使旋。

达磨计伏蛟龙

达磨自西竺海堧之地，别亲王而离乡井，登大舟以渡南滨，无非为传灯之事也。迨及海隅时，忽见巨浪滔天，有一蛟龙，形势甚大，自下而升。

其舟几覆数次，在舟诸人，无不惊愕，惟达磨师颜色不变，欣笑自若而已。从容言曰：“此特河海中一微孽耳，汝等何惊怖之若是耶。第此孽不除，终为大害。”复以佛帚指龙曰：“汝之大，吾弗虞也，吾患汝之变小耳。”须臾之时，龙果变小。达磨师遂以钵盂捞之，其龙犹如绳系，莫之能动。达磨师以之掷于海，众人皆异之。有诗为证。

达磨降龙诗：

涌水兴波作浪涛，孽龙翻身并舟高。予欲为人除大害，特今故把盂盆捞。

众人美师诗：

妖龙兴灾害万民，众人无计可逃生。幸得神僧降此孽，舟中自兹得安平。

达磨收伏神虎

自达磨师降龙之后，风息浪平，舟中如盘石之安矣。将及南海，达磨师登岸西行，遥见一座高山，巉岩峻岭，林木森森。询及行人：“前面高山是何处所？”行者答曰：“乃紫章三峰也。其中猛虎甚多，行路之人受其害者，不可胜纪。汝僧独自前行，只自己其生耳。”达磨曰：“行止虽存乎人，死生实由于天。天寿予而虎不能为我夭。天夺予而汝不能为我留，猛虎其如予何？”遂不听行者之言，遽而前往。近山下，忽见一猛虎，猝然而至。达磨以佛帚召之，曰：“汝当敛迹藏形，勿伤生灵可也。”其虎摇首摆尾，如犬之逢家主，不忍释去。既而达磨前往，虎亦莫知所之。有诗为证：

自从西竺至海南，穷途苦阻也曾尝。披衣蹶足忙登岸，未知何日返道坛。

行者答师诗：

遥望高山名紫章，路人多被猛虎伤。谕僧勿去从吾语，免得身躯受灾殃。

达磨伏虎诗：

数步行来到此村，猝然猛虎出山林。达磨忙将佛帚扫，摇头摆尾如犬形。

达磨舟达南海

达磨师自西竺至南海，登巨舰，泛重溟，经几多风浪，值几多险怪，凡三周寒暑，始达于南海。适梁普通七年庚子岁九月二十一日也。广州刺史萧昂，武帝族兄也，适在公署听政，闻百姓报道西方达磨师渡江而来演教，遂洗心洁服，隆礼迎接，送至公馆供养，每日叨陪左右，求其讲解。百姓创见西来佛，纷纷礼拜皈依，咸愿捐资，鼎建殿宇，以普求济度。有诗为证：

一自登舟别海堧，三周寒暑达华区。途中险怪兼风浪，历历身经若坦夷。

刺史迎接诗：

报导如来南渡江，慌忙颠倒着衣裳。请迎公馆隆供养，每日叨陪讲法王。

百姓皈依诗：

创见西方活佛临，纷纷礼拜乞金绳。捐资建殿须臾事，盖为慈悲接济民。

萧昂具表奏君

萧昂以达磨南来普济，甚盛心也。况主上宗信佛教，一闻有僧南来演化，甚折节也。事不容密，乃具表奏闻武帝。武帝阅表，龙颜大喜。谓左右臣子曰：“此寡人诚心所感，事佛之报也。”遂遣使备法驾至广州迎请，又诏萧昂护送达磨佛至金陵见驾。帝一面发库藏鼎建宝殿，以作如来宅舍；一面诏中书生缮写经卷，以便如来讲解。

刺史具表诗：

萧昂具表奏梁王，达祖南来降吉祥。利益国家非小可，颺祁宸断自参详。

梁王遣使诗：

梁王见表悦龙颜，事佛殷勤果报来。遣使迎请无少缓，诏令护送至京台。

梁王建寺诗：

达磨南渡阐如来，梁王殷勤建殿台。迎至金陵接相见，舍身事佛亦何駸。

梁王接见达磨

达磨师在公馆坐禅，忽谓刺史萧昂曰，“君可促装，朝中遣使迎请，法驾不久及门，诏君护送。及今未至，可将州事托付何人拟拟，不日予与君行矣。”刺史尚未之信。越两日，诏书果至，一如达磨师所言。萧昂愈倾心敬服。及师迢递至金陵，武帝沐浴斋戒，旗幡鼓乐，灯烛香花，自出部城迎接。本日，车马填街，人民塞市，一则急睹人王，一则快观活佛。此时此际，沉檀扑鼻，箫管沸耳，幢幡夺目。缙绅失其贵，甲冑失其勇。虽堂堂天子，亦不自知尊贵，惟知达磨之为大矣。

达磨坐禅诗：

坐禅出定白萧昂，速备车舆待启行。明日九重丹诏及，贵尹护送见君王。

梁王迎接诗：

梁王事佛果虔诚，佛至金陵出郭迎。鼓乐喧阗香扑鼻，旗幡灯烛耀人明。

百姓争睹诗：

人民塞市马填街，争睹西天活佛来。甲冑缙绅忘勇贵，堂堂天子亦微哉。

梁王舍身事佛

武帝接着达磨，执弟子礼，侍立左右，命仪卫，如王者送至新佛殿安顿。武帝亦随至新佛殿参谒。此时，观见达磨，慈容烨烨，宝像煌煌，恨不得与之俱化，又踵旧日所为耳。愿舍身事佛。又出帑内金银，为建道场功果。君者民之表，一国人王尚自舍身事佛，天下效尤，又孰不愿为佛事。书云“梁王事佛尤谨”，此之谓也。

梁武舍身诗：

慈容宝像耀煌煌，愿舍真身事佛王。帑内金银如土芥，道场功果闹天堂。

百姓舍身诗：

堂堂天子镇华夷，百姓观瞻作表仪。万乘帝身甘事佛，卑卑黔者悉捐躯。

梁王自矜功德

武帝自接见达磨，叨陪不离左右，自矜其功德。问曰：“弟子自继位以来，宗信佛教，平日在国中，恐栖佛无所则为建寺，恐诵佛无本则为写经。若此之类，不可胜纪，不知有何功果？”达磨曰：“如来功果，贵务其大者、实者。主上造寺写经，此卑卑人天小果。有漏之因，如影随形，虽有非实。何功德足云。若以此为功德多见，其不知量也。”武帝恍然自失。又侧席问曰：“如圣人所云，必何如作为，乃为真实功德？”达磨曰：“净智妙圆，体自空寂。如是功德，不以世求，一味在性灵上体认，所谓大者、实者。寺创与经之缮写，初不关于修待急务，纵不暇及，亦不言其修证有亏。”

梁主矜功寺与经，人天小果漏之因。

智圆体寂真功德，不落人间色与声。

武帝不悟经义

梁王自谈功德之后，始不事外面作为，收入在性中修证。第着己用功者，由精会粗易；郭郭从事者，由粗入细难。梁武浮名好佛，兢兢在语言文字上探讨，及至谈禅悟偈，漠然无得也。

一日，帝又请问达磨师曰：“圣谛之文，弟子口尝诵之；圣谛之义，弟子心尝思之。其奥妙精微，非浅鲜胸襟所能测识第一义之旨，今愿窃有请也。”达磨曰：“圣谛之义，文字虽□，一言一蔽之，曰廓然无朕而已。朕之一言，至矣，尽矣。”梁武解误，则文字化为真诠。达磨南来，还佛梁武，其首班矣。帝惟不然，又问曰：“对朕者谁？”达磨曰：“不识夫？不识即无朕，无朕即不识，不识无朕，二而一者也。”帝犹然不悟。佛家点化弟子，只在一字之间。三教不解，机不合矣。规为虚文所拘留，非达磨西来之意也。本月十九日，不告于王，遂潜回江北。十一月二十三日，届于洛阳。当魏孝明帝正光元年，寓止于嵩山少林寺，面壁而坐，终日默然，人莫之测识，谓之壁观。

梁武浮名好佛诗：

如来修证性中求，郭郭工夫逐浪浮。只向语言为探讨，方圆龃齬不相投。

梁武请问圣谛诗：

圣谛如来第一篇，其中意义必精玄。请师乞为明开示，俾得持循作圣美。

达磨答武帝诗：

要知圣谛其中义，无朕之精自廓然。陛下洞知无朕妙，西方佛果已修圆。

梁武帝不悟诗：

一隅甫举反三隅，始足谈玄号上儒。三四发明浑不解，依然蔽固一愚夫。

达磨潜回江北诗：

出昼依回不舍王，为王可武与为汤。梁王不是如来器，决志潜回抵北江。

达磨嵩山面壁诗：

少林篙岳好修持，面壁其中寂语词。匪为一身完证果，多因等待续灯儿。

达磨嵩山演教

达磨在少林寺面壁，从游之徒，有道副、道育、尼总持诸人，朝夕趋陪，以求济渡。评三子证修，虽有浅深不同，然游于达磨门者，彬彬皆佛物，无弃物也。所谓升堂矣，第未入于室也者。达磨因梁武专在言论上修持，不从寂静中证悟，卒于佛无成，于道无得也。遂惩其弊，一味面壁而坐，以寂灭示三子。壁虽障于目前，彼之剖破藩篱，达观无际，壁不能翳其毫忽。居于方内者，觉面前多封闭垣墙；超于域外者，眼里无全牛。觉层峦叠壁列于前，彼视之皆空矣。故达磨九年面壁，不待达磨心坚石穿，壁因达磨坐观，亦化其顽石，勒成一尊达磨。迄今嵩山石壁，俨然有达磨尊者遗像。非其坐观之大验欤。

三子从游达磨诗：

达磨选佛到中华，炉冶英才作叶伽。三子共沾春雨露，兢兢鼓棹觅灵槎。

三子所造不同诗：

学业难教一律齐，彼苍赋稟有贤愚。譬诸草木分区别，何独于人有所疑。

达磨面壁示教诗：

达磨面壁意深微，示众修持志莫移。勿道眼前坚莫钻，工夫克己剖藩篱。

达磨观壁皆空诗：

石壁徒能障浅衷，高人达览境皆空。性天湛湛原无物，壁立参前有主翁。

顽石肖像达磨诗：

自古人为万物灵，从来有志事终成。试观面壁高山石，日久年深肖像形。

神光弃儒从释

婆罗门有一僧人名神光者，人品清俊，资性聪慧，表表一旷达士也。久居伊洛，博览群书，善谈玄理。每抚髀叹曰：“孔老之教，礼乐风规。庄易之书，未尽妙理。孔老，予不获出入其门墙；庄易，予不获从游其左右。与其浮慕前修，勿若求师近代。何代无贤，顾人自得耳。”神光进退于儒释之间，终舍正学而从左道。故功名富贵，等若浮云；证果修持，好如饴醴。有诗为证。

神光旷达诗：

仪表魁梧行莫羁，灵襟空洞逸绳规。伟才若付良工手，斫就能将大厦支。

神光博览诗：

不直堂堂具表仪，无形仪表富襟闭。笥经莫拟便上腹，敢谓身肥没字碑。

神光好佛碑诗：

家鸡野鹜两提衡，厌旧欢新出世情。二祖若教难诳诱，达磨依钵孰相承。

神光欲从达磨

神光僧闻达磨大师乃西天得道比丘也，现寓止于嵩山少林寺面壁，欣欣喜曰：“才说无师却有师，古人负篋从师，不惮千里，况嵩山去此甚近。所谓至人不延，学步即亲者也。欲求解脱，非至人点化不可。欲师至人，非从游其门不可。有志而莫之学，是谓自弃。有师而（原书下缺一面）嵩山少林寺，参谒达磨，求其训诲。达磨见神光之来，恐亦好名之士，易为迁就摇惑，不专志传灯者也。达磨南来，正欲得中人以上与之语上，无论他后日得髓，且试得今日来意。意稍不诚，一挫即却矣。故面壁自若，不知身后有人参谒；皴然自若，不知左畔有人乞言。神光僧不以师为吝教，惟罪己为不诚。来意精专，可盟金石。师坐终日，彼亦侍立终日。师面壁坐，彼面师立。师不语，彼不去。如此效诚者半月。有诗为证。

神光参谒达磨诗：

躬往嵩山谒达磨，求他容授说波罗。至人若肯传神髓，大地黄金酪搅河。

达磨面壁自若诗：

面壁无言匪拒人，示渠默坐作持循。参师即悟参禅旨，岂谓规规试意诚。

神光来意精专诗：

从师学道匪沽名，师不优容意不诚。面壁端然无指示，面师屹立效章程。

神光励志求师

一日，神光僧又自思曰：“不凿石，不逢玉；不淘沙，不见金。奕秋小数，不专心致志且不得也，况如来宗旨，可以二三之见求之乎。且古人刻志求佛，遗行班班可证。有敲骨取髓者，有刺血济饥者，有布发掩泥者，有投崖饲虎者，若此之类，难以枚举。况我又何人，敢不益励乃心，肯以师不礼貌辄少变其志。佛难人为，辄委靡其行乎。”

神光立志诗：

美玉精金出凿淘，奕秋小数致专求。如来无价金和玉，丝发因循不到头。

神光仿古诗：

古人学道意专精，饲虎投崖效滴涓。刺血济饥并取髓，掩泥布发事班班。

神光策立诗：

古人为道几捐生，何独区区不殒形。得与达磨为弟子，胜如虚度过浮生。

神光立雪从师

神光僧为从师志一，慕道精专，忘却天时人事。时当十二月九日夜，天大雨雪，使非励志之夫，鲜不畏寒却步矣。彼依然坚立不动，唯知求教明心，不知六花裂体。逮迟明，积雪过膝，其寒冷当何如者。自常人论之，身为重，道为轻。纵师不以我为诚，亦不关甚紧要，何为苦节如此。彼则谓：“师之难我，雪之侵我，未必非彼苍玉成之意，过膝何足恤，纵雪积过腰，亦所甘心也。”此情此际，虽鬼神可格，金石可大矣。”达磨师始悯而问之曰：“汝立雪中，当求何事？”光含悲曰：“唯愿和尚慈悲，开甘露门，广度群品而已。”

神光立雪诗：

露领冲寒立雪中，雪深过膝不移踪。从师励志诚如此，得髓真传捷利锋。

达磨问神光诗：

雪中久立欲何求？耐冷精诚贯斗牛。知尔远来应有意，为观春色到皇州。

神光叩达磨诗：

弟子从容复圣师，恭承明问发愚虑。慈悲普渡诸群品，甘露门开万泉苏。

神光断臂见志

达磨师见神光僧所为济人而非济己，利物而非利身，志向可谓公且伟矣。遂与言曰：“诸佛无上妙道，旷劫精勤。虽难行而实能行，虽非忍而实能忍若水。小德小智胸襟，轻心慢心学问，一旦希顿悟其真乘，徒劳勤苦，何免于得哉。以子之立雪志非不坚，以子之普度心非不广。第适所云无上妙道，非仅仅耐冷之夫，顿超真乘，而谐满慈悲之愿也。”神光师本日闻师海励，感激与奋迅交并，自思曰：“天下无难事，都因心不专。立雪不足以见志，断臂始足以鸠心。”乃潜取利刃，自断左臂置于师前。达磨见其割切如此，叹曰：“真如来法器也。”遂为弟子。有诗为证。

论道精妙诗：

妙道难行却厉行，忍而非忍两交横。纤微智德能希悟，轻漫之心得上乘。

断臂鸣志诗：

世无难事贵心专，闻教徬徨着祖鞭。断臂鸠心一师前，任渠铁砚要磨穿。

达磨为光改名

且说达磨师，自得了神光弟子，潜自喜曰：“不意晚年获一佳士，不惟如来宗旨有托，吾南来选佛之应，亦不虚矣。”一日，唤而谓曰：“上古诸佛，最初求道，往往为法言形。子昨断臂吾前，亦不亚古人。人形苦节，且智慧不摇，勤求可与。吾为汝更名曰慧可。命名有深意，子当顾名思义。慧者益求其慧，可者益求其可。愈证修则愈浑化，直至无慧名无可称，方为功行完满。有诗为证：

喜得神光诗：

神光坚志遂凡庸，异日传灯作正宗。吾道有人吾志遂，寸衷不觉已怡融。

夸神光诗：

古人求道每捐躯，断臂神光志亦孚。苦节方能传妙道，如来残照属吹经。

为光改名诗：

沙空最重慧超群，笃志勤修始可揣。子讳可更为慧可，顾名思义大吾门。

三美神光诗：

神光参谒意何诚，积雪侵肤动悯情。不是利刃伤左臂，过磨还不为更名。

慧可请问法印

神光僧获备员为达磨弟子，又幸达磨为之更名，不胜雀跃，以得承训为幸。一日，从容请曰：“弟子从游门下，为作佛也。顾作佛自法印始，不知诸佛法印，可得闻乎？”达磨欲慧可收敛，在灵性上用工，不欲在见闻上探讨，故应之曰：“诸佛法印，匪从人得。”慧可闻言，即悟曰：“人在郛郭，心者性灵。师曰：‘非从人得’，心从心悟可知矣。”自后慧可，言语文字，皆视为糟粕，一味在性灵融会体认。

慧可请问诗：

备员弟子为更名，雀跃超筵藉玉成。诸佛光年为法印，乞师逐一为闻陈。

达磨回答诗：

法印虽从诸佛遗，世人未可得精微。达磨微白形骸点，慧可融通悟骨旨。

岳神听师讲经

一日，慧可、道副、道育诸徒在法堂坐，听师讲经说法。忽见一老者，姿容苍古，冠服庄严，步履从容，言谈慷慨，直趋至法堂，求达磨讲经。诸徒接见，道是坊郭致仕稳翁，独达磨识是嵩山岳帝，不泄其机，与之进待，以宾礼，赐之坐，以聆讲说。本日，慧可僧常值，尚未进经开讲，先启口问曰：“太宇清宁，天君寂若，庶几妙道有得。今弟子心多震撼不宁，何以能悟无上宗旨？讲经□□安心意焉，请师且为弟子安此未宁之心。”师曰：“汝欲心宁，可将心来安。”慧可曰：“觅心了不可得。”师曰：“既不可得，则子心境吾正安之矣。”老者获闻安心之说，不觉了然大悟。降阶谢曰：“经从耳进，须用心融；心稍不宁，则上人开发祇说铃也。弟子之所以去佛道远者，亦为染着声臭色天相，君所以胶扰不宁。今后予知所从事矣。”慧可曰：“心本常空常宁，滞有则实，徇象则扰。吾徒必境象两忘，始为了证佛事。”师曰：“二子之谈，善哉。”本日遂辍讲，相笑而别。

岳神趋堂听经诗：

苍古姿容步履闲，服弁庄重伟言谈。趋堂为听禅师讲，二子惊疑辍仕官。

慧可求师安心诗：

慧可经筵启达磨，天君扰攘失安和。谈经未落安心急，不识金针砭若何？

达磨点化安心诗：

子欲安心讵有他，觅心扰□□□□。太宇清宁无觅处，子心祖饯两□讫。

岳神有感诗：

吾心染着色和声，胶扰心中心不获宁。今日获闻师指点，始知从事□□□。

慧可感悟诗：

常空性地与常宁，徇象之夫扰失平。境象两忘真体现，参禅妙决已无赢。

道育赞叹诗：

佛法相传总是心，虚无寂灭是金针。灵台染着些儿物，不是如来去后音。

国王思慕达磨

且说异见王，自别达磨以后，无日不卷卷而语其西福也。一日，备办贡仪，谨□□□□而书一通，遣使南渡。一则进贡中国以□□，一则迎接达磨以还国。时魏庄帝永安元年正月五日也。魏帝览其奏问，收其贡仪，问来使曰：“汝国王欲接达磨西渡，现今达磨客居少林，去往少林寺，旦暮遇之矣。”言讫，宴待来使于五凤楼，诏宋云出使西域。

国王遣使南渡诗：

自忆当时别叔尊，海堧祖饯两语讖。悬悬终日空张望，冥冥数载雁无影。

春去春来人不见，修书遣使渡南滨。一来贡献中华主，更欲觅访骨肉亲。

宋云奉诏西域诗：

一自丹凤下九重，宋云整冠答圣聪。奏请天朝因终事，遣汝赍诏往西戎。

少林寺访师

宋云奉诏往西域，武王偕西域使同尘少林寺，访问达磨。达磨在少林寺，面壁而坐。西域使臣，将见王之书奉达磨。达磨览之，不胜欢欣曰：“国王安否？”使臣曰：“无恙。”达磨又曰：“功完行满有定，何劳远来以受此奔波之苦乎。”使臣曰：“此职分之所当为，何足恤哉。”达磨又询问宋云曰：“差大夫往西域封王耶？”宋云曰：“然。但西域风俗事宜，未之窃领问焉，明以示我。”达磨曰：“风俗事宜，纷纷繁杂，一语不足以竟其毫末矣。大夫乞言于来使可也。”宋云领此语，虽慧悟于心灵，亦不能洞达其旨镜。”达磨嘱来使，恭身都辞师去：“莫待予言而后何。但予有数语，留为后验。”遂说讖曰：

火另勿生心，山具令人寻。两木不同根，目久亦非真。有诗为证，

诗云：

禅师语句意玄玄，心中踌躇不情然。今日少林分别去，未知相逢是何年。

志欲西归

达磨师在少林寺别了宋云，面壁九年，功完行满。一日，欲西返天竺，乃谓从游众门人曰：“吾十年遇般若师传授，谓六十年以前当在本国行化，所谓时未至不敢出。六十年以后，当往震旦行化，所谓时已至不敢违。且曰，震旦之地，所获法器菩提，不可胜纪。从游众生，令之契悟神明，勿规规徇有。为功业南渡，未几即可西归，无得久住。今我兢兢佩服师训，六十年前在西竺，六十年后在中华。自南渡登岸，接见萧昂，金陵获瞻帝主，嵩山知遇汝辈，一味在契悟神理上发挥，勿令众生浮慕。有为事业虽班班皆我之身教，实源源遵师之心法也，果南方法器菩提不可胜纪，第佛化少弘。功行小满，吾能久拘此哉。归欣欣，可止则止，可行则行，时不我与，汝诸生其谓之何。”众徒曰：“愿师久住中华，济渡万方群品。”有诗为证。

达磨遵师训诗：

般若曾将道授予，时行时止作从违。渡南广有菩提器，也合西归勿滞濡。

又诗：

忆自登舟达海南，萧昂梁武及诸□。皆令性地参圣理，不在施为事业繁。

又：

中邦演教已多年，法器菩提满座筵。震旦不能留迹住，洞庭湖里驾归帆。

初授慧可

达磨师欲将如来衣钵传与诸徒，不知何人可膺重托，又谓众徒曰：“时至矣，菩提将不久去矣。汝等从游有年，欲将正法付汝行持，汝勿谓隔世难言，试各言所得，我将采焉。”一人名道副者先言曰：“如弟子所见，不执文字，不离文字。意者可以传正法乎？”达磨曰：“子之所见，徇外遗内，得吾之皮矣。可与共学者也。”次一人名尼总持者白其所得曰：“某亦恶乎见哉。弟子今日所解如庆喜见阿问佛国，一见更不再见，如此而已，意者如来正法属我行持乎？”达磨曰：“子之所见，入而未深，得吾之肉。可与适道者也。”断二子之后，一人名道育者，第三进曰：“育也，其庶乎四大本空，五蕴非有，而我所见处，无一法可得。此可以传正法乎？”达磨曰：“子之所见，非得吾皮，非得吾肉，大而未化，乃得吾之骨也。”最后，达磨问慧可曰：“尔之见何如？”慧可曰：“异乎三子者之择。”达磨曰：“何伤乎？亦各言其志也已。”慧可本日默默不言，只顿首礼拜其师毕，依位而立。三子哂之曰：“不白所将书言，惟示所为于身，吾不知其所长也。”达磨喟然叹曰：“必如子之见，始得吾之髓，子其达权人哉。吾与可也。”遂以如来正法眼，嘱授慧可，且示以偈云：

吾本来敬土，传授救迷情。一花可五叶，结果自然成。

达磨问三子所得诗：

时至予将别尔归，如来法眼孰行持。诸徒各白心中得，以便传灯与授衣。

道副陈所得诗：

道副开先白所长，只从文字作行藏。不知纸上皆糟粕，非执非难象亦忘。

总持陈所得诗：

总持解见亦无他，一见阿罗即玉家。释氏正宗堪付托，秤星莫认定盘差。

道育陈所得诗：

四大本空五蕴无，正宗寂灭庶几乎。秤星见处法无得，可作沙门一嫡嗣。

慧可陈所得诗：

慧可恶乎撰异哉，向师礼拜效捐埃。少回依位从容立，不见言谈缓烦腮。

达磨评三子诗：

道副襟期亚总持，总持道育莫平提。二子仅得吾皮肉，道育侵侵及骨拨。

独与慧可诗：

看尔雍容不垢浮，真宗妙悟几回头。依吾立处如登岸，笑指慈航法水流。

江北龙吟虎啸

达磨之归，不特众生欲期留，百物亦不利其去也。江北自达磨潜回以来，闻说少林寺有龙来礼师说法，有虎来伏地听经。如此者数年，师不为怪，人不为异。及达磨师志欲西归，物亦效灵。江北父老，夜夜见空中一龙，不兴云，不布雨，只一味吟跃，其声悲悯，殊有可怜之色。夜夜只见山中一虎，不呼风，不攫物，只一片嘶叫，其声哀号，殊有不忍之情。父老相谓曰：“迺来龙虎微声吟啸，非关国家气数，必应伟人去留。不出月旬，定有效验。”

龙吟诗：

灵物空中彻夜吟，想应曾听达磨经。知师不久西归去，故尔徬徨为阻行。

虎啸诗：

咆哮山君彻夜号，亡因失侣啸江头。少林伏虎人将去，不吝哀鸣为挽留。

父老诗：

龙跃于渊世道亨，渡河虎比政声清。进来龙虎相吟啸，必为高人兆生死。

嵩山鹤唳猿啼

嵩山，中岳山也。其上有太屋、石室为高人修养之所。往时，有志人将去，旬日，猿啼鹤唳。达磨在此少林寺面壁九年，妖魔摄伏，□动好修，达磨昔日讲经，猿猴也曾献果，仙鹤也曾衔花，一旦归去，猿鹤失去主人，若无所依。猿声啼破天边月，鹤唳悲残五更风。叫者心寒，听者酸鼻，太室、少室、石室修待释道，虽互相惊疑，却不知其为面壁推奖，以功有菩萨将行达磨也。唯达磨自知之，自后，不告门人，一面修洁，以待其时之所至。有诗为证。

猿啼诗：

喜与悲离物有然，至人感化效修缘。玄冥何为啼长夜，面壁山翁整别筵。

鹤唳诗：

羽衣修整号仙胎，不去玄门觅侣侪。彻夜枝形声唳历，讲经人去几时来。

释疑诗：

猿声啼罢鹤声连，应验吾侪行果圆。人去此山谁是主？终宵惊破客心禅。

灯幡迎接达磨

且说嵩山好修之人，闻猿啼鹤唳，搅乱禅心，不安昼寝。有数步登高以占紫气者，适见少林寺外，灯烛耀煌，旗幡纷队，张盖司香，羿舆掌驾，全集如林，不可胜纪。少顷，又见山行外，投刺者投刺，递简者递简。不逾时即布散而去。如此者数晚，众人始知少林寺面壁之师不次日。诸人洁己趋前，愿求普渡。达磨俱为讲经说法而罢。

美达磨诗：

搅乱禅心寐不安，效占紫气出蓝关。

少林寺外多灯烛，面壁岩前簇宝幡。

张盖司香人队队，羿舆掌驾卒班班。

寺人投了恭迎刺，标拟今年十月还。

告众人诗：

昨夜岭头望少林，门前车马簇如云。达磨面壁东来阻，愧煞庸愚不识人。

土神望问岳帝

中岳帝王，遵常例每年会集四岳一度，朝天，本日，岳帝自玉京朝罢归来，询本山土神曰：“朕往上界覲君，下方有何妖魔为祟？”土神曰：“遵大王约束，俱奉命唯唯。”帝又问曰：“面壁玉人无恙否？”土神答曰：“面壁至人，匆匆有行色。”帝惊回曰：“怎见得？”土神曰：“龙虎彻夜啸吟，猿鹤终宵啼唳。且还来士卒填门塞道，闻本上标拟十月西归。只今，从游三子数上恳留修养，诸朋纷纷上乞济，不知挽得至人车辙否？”帝曰：“吾方会集四方岳帝，待从经筵听讲，如何顿舍其去。孤明日化为坊厢耆老，苦情留之，看他何如。”有诗为证：

朝罢归来满袖香，稽查妖祟属猖狂。土神复命均供职，惟有高人去得忙。

又诗：

闻说禅师决意归，仓忙谁命候车行。诸经未讲心殊欠，挽作蒸民济渡师。

岳帝挽留达磨

次日，岳帝果化为苍头耆老，竟入寺中来，参谒达磨。达磨接见，知是前番参谒老儿，乃以上宾之礼待之。问曰：“君侯谒见玉皇，玉皇有何顾问？”岳帝惊讶，伏地请曰：“弟子果本山岳神，昨日天上归来，闻至人整旅西归，不肖特来恳留。上人久住此山，裨下神得终其证修之业。”达磨曰：“吾业未完，何能去得。汝欲听经，何须□闹。”遂为岳神说偈曰：

幻作苍头一寿翁，时法逐人□□□。解则识揖色□迷，则□□分别计较。

息现量者悉皆是，梦若识取必本寂。灭□多一动念处，各是正觉□□□。

岳神得此偈，遂礼谢师而去。有诗为证：

幻作苍头一寿翁，谒师顶礼诉情衷。此来本为留行计，不意高人□迹踪。

达磨问岳神诗：

君候昨自玉京回，亲领天皇顾问来。地上妖邪多评遍，传灯佛子若知谁？

岳神辞达磨诗：

我本嵩山一岳神，被师慧眼见分明。闻师证果将归去，幻作耆民挽驾行。

达磨再授慧可

达磨师既授慧可以正法，又密唤慧可叮嘱曰：“昔如来以正法眼付迦叶大士，流传几十代至般若多罗。般若多罗师知我可为法，遂揭残灯而授之于我。我来南土，转求法嗣，惟子可膺重托，又将此遗照而付之于汝。汝当体我之心，善为护持，勿令统绪断绝。又授汝袈裟一领为法信。二者表曰，内传法印以契证心，外付袈裟以定宗旨。后代浇薄，疑虑竞生，言吾系西方之人，汝乃南方之子，从何得法，凭何证验。汝今受此衣法，庶却后日所生疑难。但此衣法，用以表明化无窒无碍耳。吾灭后二百年，衣止不传，法周沙界。明道者多，行道者少。说理者多，通理则少。潜符客证，千万有余。汝当阐扬，勿轻未悟。一念回机，便同本得。”有诗为证：

迦叶初膺衣钵传，源流般若几经年。多罗复把灯传我，我揭余光托子沿。

又诗：

法师袈裟并授尔，好宣持护受灵符。纵他浇薄生疑虑，法衣凭依可却除。

又：

吾道流通二百年，法周沙界眼无传。潜子密证方扬阐，□拈胸中善与言。

达磨三授慧可

达磨师授慧可法印袈裟，又唤叮嘱之曰：“吾有楞伽经四卷，亦付与汝。此经关系非小，乃如来心地法门，令汝后日开讲，众生裨得从谈入悟。且吾自西天到此，五毒中旁门之毒出而试之，置石石裂，其毒太苦，汝盍慎之防之，勿令毒我者而毒子也。南印东土，地之相去或千余里，吾今离南印而至东土，岂无谓哉。见赤县神州，广有大乘气象，故逾海越汉，不惮艰辛，为□□人也。诂意机会不谐，潜回江北，面壁山林，如愚若讷耳。今得子传授，则南来之意已终，复何留哉。”有诗为证：

授子楞伽四卷经，如来心地法门诚。众生用此为开示，令彼浸浸妙悟深。

又诗：

道德高深忌者憎，五回中毒欲伤生。□归试毒山中石，立见崔嵬石裂崩。

达磨游千圣寺

一日，达磨谓诸徒曰：“数日间为各处使臣搅扰，未及谈得佛事。今日稍暇，携汝辈同在禹门千佛寺一游何如？”众徒曰：“惟命是从。”本日，师往禹门千佛寺游览，果见宝殿巍峨，浮图峻耸，门前带水环腰，寺后屏风靠背。纵步闲观，肺腑观尽江山景致。朝西独坐，精神多潇洒，宅舍清幽。瑶草琪花，天为如来呈供品。莺啼鸟语，风物华子奏音正。所谓意相关，禽对语，生香不仅花是也。好座今圣寺，只少恬如来弟子，连宿三日。

达祖携徒谒禹门，禹门胜概与平分。游观何为淹三日？意在离凡与脱尘。

杨太守谒达磨

且说期城太守杨炫之，一生宗信佛教。每遇僧人，俱隆礼接待。闻得达磨师在千圣寺游玩，即放下政事，躬造千圣寺谒见达磨，遂问曰：“西天正印，师承为祖，其道何如？”达磨师答曰：“明佛正宗，行解相应，名之曰祖。”又问曰：“此外更有何义？”师曰：“须明他心，知其古今，不厌有无，子法无取，不贤不愚，无迷无悟。若能是解，故称为祖。”炫之又问曰：“弟子皈依三教亦有年矣，而智慧昏蒙，尚迷真理。适听师言，罔知攸措。望师慈悲，开示宗旨。”师知太守来意恳切，即为说偈曰：

亦不赌恶而生嫌，亦不观善而勤措。亦不舍智而近愚，亦不抛迷而就无。

达大道兮无量，通佛心兮出度。不与凡圣同躔，超然名之曰祖。

太守为师除难

本日，太守闻师说偈，悲喜交并，言曰：“愿师久住世，一日化导群。”师曰：“吾即逝矣，不可久留。根性万差，多逢愚难。”炫之曰：“未审何人，弟子为师除得否？”师曰：“吾以传佛秘密，利益迷途，害彼自安，必无此理。”炫之曰：“师苦不言，何足以表幻变观照之力。”师不获已，乃为之讖曰：“江槎分玉浪，红炬开金锁，五口相共行，九十无彼我。”炫之闻师此语，莫究其端，但然记于怀。本日，稽首拜谢其师而去。有诗为证。

太守问：

闻得禅师胜地游，特来参偈问源流。西天正印俱归祖，详为鰲生说事由。

达磨答：

佛名为祖匪虚称，智慧聪明博古今。不厌有无不迷悟，能如是解道高深。

太守复问：

三宝归心亦有年，昏蒙智慧尚迷玄。闻师训告惊无措，广示慈悲得证缘。

按达磨禅师示指杨炫之讖语，虽当时不测，而后皆符验。

时庄帝崇奉释教，禅隲诣阙如猬。有林光统律师流支三藏者，俱僧中之鸾凤也。见师远来演教，斤相指心，每与师议论，不免是非心起。达磨师在中土，独振玄风，普施法雨，故偏局之量，自不能堪。竟起害心，数中毒药。前五度中毒，师以业缘未满，旋中旋解。待药中六度，师以化毕，传法得人被中之，师安之不复解救，遂端而游。即魏庄帝永安元年戊申十月十五日也，本年十二月二十八日，慧可众徒葬砌于熊耳山，起塔于定林寺，并具文以祭之，有诗为证：

普施法雨播玄风，斤相明心作释宗。南土禅僧中徧线，不能容物反相攻。

又：

律师三藏凤鸾称，何为容徒起妒心。五度毒加师已觉，六回缘满任倾生。

又葬诗：

形癸中华熊耳山，佳城郁郁不阑珊。谁知得道能蝉脱，不意翩翩只履还。

武帝迎请达磨

魏庄帝继位，为一国人主，性亦好佛，但林律师流三藏，当时号为僧鸾凤，故魏帝宗信在此，未及求证达磨也。及闻达磨在嵩山少林寺面壁悟解弟子，慧可断臂，授衣功果，表表不凡，私心甚艳慕之，遂遣使往少林寺，迎请入朝演教。达磨在日，人多忌之、毒之、毁之、阻之；达磨逝去，人多奇之、信之、思之、慕之。使臣赍诏入寺，达磨已圆寂多时。弟子慧可辈，星夜具表，同使臣朝呈谢恩。魏帝阅慧可表，心殊枪然，深以不得奉教为欠，诏慧可阐扬其化。

使臣诏诗：

积厚从未流必允，达磨证悟性名香。魏君金阙飞丹诏，迎请归朝讲老庄。

弟子复命诗：

禅师舍我入凭依，遗下皮囊葬耳西。貌矣商容悔莫及，有孤奉诏九天飞。

魏帝诗：

少林面壁已经年，愧朕无缘未传筵。衣钵授卿须拓大，莫教断绝朕如笺。

宋云趋朝复命

宋云别了达磨，望南而还。山迎水送，越数月跋涉，遂到之中华胜地。

次日，整冠服上京复命。魏帝见宋云出使，于国有劳。庄帝问曰：“大夫远使西夷，曾有故人否？”云答曰：“大夫无故交，安有故人。第臣归国，行至葱岭，遇见达磨禅师，手持只履，翩翩独往。臣问师何往，彼对曰西天去朝佛。所遇故人，惟此一人而已。”魏主笑曰：“卿误矣。卿出使后，孤具书迎请达磨，道达磨禅师已圆寂，尸葬熊耳山，塔建定林寺，及今已三载有余。卿适云日前葱岭相遇，真白日魍魉，岂不误也。”宋云曰：“臣非独遇，诸从者目有同视。今如帝言，是达磨脱化之验也。”魏帝即诏道副众徒，启枢视之，枢中惟存只履。帝大惊讶，遂遗书。

宋云诗：

明日趋朝复魏君，九重慰问受艰辛。达磨只履逢葱岭，此是他乡遇故人。

庄帝诗：

达磨圆寂已多年，葱岭相逢不自然。尸葬耳山经耳目，如何持履孤翩翩。

又诗：

葱岭翩翩揭履行，宋云会别两分明。归朝具奏开枢视，惟有当年只履存。

撰碑赐谥

梁武帝闻达磨在魏国教化大行，已自悔悟，欲亲洒宸韬，为达磨作去思碑。后因机务刻决不惶，遂停止其事。及闻达磨圆寂，亦欲与之撰碑，叙其南来始末，有志未果。逮今接得魏主叙达磨葱岭遇宋云书，大为惊骇，悔不能慧悟，阐明宗旨，徒为此有漏之因，有辜如来南渡之意，遂亲笔撰碑，勒石以表其诚。又赐徽号曰：“敕封圆觉大法禅师。”魏帝又降诏，取遗履于少林寺供养，名其塔曰宝观宝塔，门人慧可传其法衣，称其师为东土始祖。

撰碑诗：

立碑纪汝渡南勋，朕为禅师撰序文。有意属孤孤莫识，西天归去会无门。

赐谥诗：

冲龄慧辨已标奇，般若寅将道属持。灵性通慧非执滞，谥称圆觉大禅师。

武帝哭诗：

忆昔拳拳启发予，愧予蒙昧莫潜孚。于今持履西天去，尚得慈容面阿孤。

魏庄哭诗：

闻说高人得正传，寡缘未得传经筵。浮名宗信如来教，冷却真禅开伪禅。

萧昂哭诗：

我佛南来演正宗，获瞻宝像效趋从。思闻圆寂西天去，孰为开迷觅正宗。

宋云哭诗：

葱岭翩翩遇圣师，庸知圆寂岁三余。煌煌宝像浑如昨，顷刻人天别两途。

道副哭诗：

初将文学对师陈，道得皮肤尚未深。今日西天归去也，孰为澄映万川星。

尼总持诗：

道真厌饫已非粗，湛湛青天雾障虚。至味却从师揭去，依然食肉一凡夫。

道育哭诗：

毅然卓立验修为，达变从权未剖篱。再获老师为冶化，甫能广大尽精微。

慧可哭诗：

断臂师前为格师，承将衣法付愚庸。肩挑重担非容易，恐负传灯属望私。

见王哭诗：

不意慈悲出谱宗，为予忏悔祸灾躬。渡南不返西天去，叔侄缘慳业落空。

宗胜哭诗：

误入旁门赖觉迷，正宗揭示日披霾。亦趋亦步宗心印，诤意天游不及依。

波罗提诗：

旁门陷溺已经年，恃得禅师为济援。今日庶几正宗脉，敢忘仁者意拳拳。

六宗哭诗：

我为先年失所依，纷纷沦溢小旁支。幸师济我归真觉，海阔天高佩德辉。

慧可祭师文：

维魏永安元年月日，弟子慧可、道副、道育、尼总持等，谨以庶馐斋果之仪，致祭东土始祖达磨圆觉禅师之柩前而言曰：呜呼，天生精储粹孕，瑞罩祥笼，异香馥郁袭人，神光烨耀满室。先祖正印，属彼承之；后裔法衣，属彼袭之；旁门伪学，属彼辟之。在南印，则南印众济；在东土，列东土化弥。彼苍卓见于此，故发祥于西域，令彼由家以及国。多罗早见于此，故传灯于南印，由亲以及□。宝珠辨而二兄让智，六宗辟而万众皈依。异见王轻毁如来，则为之忤释其非。

染武帝崇奉佛教，则为之开导其机。修德勤业，戚戚储君，或可旦夕疾病之至。写经造寺，堂堂天子何必矜人天小果之为圣。帝问而廓然，无朕以对。不识□而潜回

江北以居。面壁少林，谁识比丘为活佛。无言默坐，安知长老即真如。旷达神光，积雪垂腰，立志法嗣，神刀断臂而动慈悲。传法印以证内心，授袈裟以除后议。也曾为龙虎说法，也曾为嵩岳谈微。振玄风而遭物论，斥□□而起人非。禅隼有僧中鸾凤，流林为三藏律师。局褊示人不广，五毒而灵性先知。一一曰自言时至，会集三子各陈所得，何如总□□持得道之肉道，副之皮道，育仅得骨□□。慧可深入髓脂，自人手兢兢修证。

达师指慧逃走

次日，武王祭毕。达磨在云头呼慧可曰：“佛性好悟耶，佛祖欲传灯耶，法器指破耶。”慧可见达师显，愿求指示。达传与慧可，又说偈曰：

师寿于百岁，八十而造非。为近至莫故，重修而入道。

虽具少智慧，而多有彼我。所见诸美等，未尝生珍敬。

又偈：

二十年功德，其心未恬静。聪明醒慢故，而获至于此。

又诗：

得王不敬者，当感果如是。自今不疏忽，不久成奇智。诸圣悉得心，如来亦复尔。

又诗：

定慧为宗立户门，愿将奥义欣知□。如来定慧非同汝，员□难容世道□。

又诗：

定慧如何一二拘，胜师传授顶盘珠。定无定处慧非慧，一二拘□是背师。

又诗：

值数而违刺，当名不副名。金绳开觉语，革旧自归诚。

又诗：

宗名实相意如何？幸为条陈发我愚。只恐相空无实相，多因幻妄堕迷途。

又：

相名无相何能定，不定难言相有真。变故循环非在在，有无流转却津津。

又：

容相何能变，有中怎说无。婆罗能是解，逃墨必归儒。

又：

胜多沉溺小旁门，分立诸宗大乱真。身且不知牛迹陷，何为喧闹乱纷纷。

又：

旁门立六宗，狂奴傲主翁。建议驱除策，纵容渐次攻。

罗汉赴会

达磨指点慧可法器，回转雷音寺见如来佛祖。佛祖问曰：“功成多少？业成多少？”达师曰：“功修一分，业成些小。”佛祖唤诸徒曰：“琼浆相待。”尊者可归次位，听莲花会，讲经，超度孤魂，谨依法旨。有诗为证

实相诸徒已觉非，此宗无相亦须规。问渠无相居何处，恐与沙门道裂支。

又诗：

我名无相隐浑沦，三昧员融罔执循。变化莫知神孙境，能将口说为君闻。

又诗：

无得三昧相，莫当三昧名。波罗问慧可，即悟性之灵。

慧可逃走

慧可闻师指点，收拾袈裟衣钵法器，正当二鼓逃走。波提闻师指教慧可逃走，意欲追求传灯之计。众徒闻说慧可逃走，欲去赶上，“结果此贼，方消吾恨。”波提曰：“不可。师在，传灯与他。今日达师升天，我与汝众人行凶耶！”众人闻言，不管其事。波提追赶慧可。慧可知他来追，急急忙忙而去。波提观见慧可，呼曰：“慧师等吾，同去行化，普度众生。”越赶不上，慧可足下生云。波提方拜为师。

慧可逃诗：

多方行化脱波提，约下东来一着棋。今日南逃明日北，何时事宁得青夷。

波提追诗：

用尽机关为佛僧，几回赶上几回逃。慧可若不传正法，空买名声天际逃。

又诗：

心中虽吉外头凶，川下僧房门不中。为遇毒龙生武子，忽逢小鼠寂无穷。

神光白日升天

次晚，嘱赞已毕，即普度众生。忽见一猛虎伏在坛下，慧师随次跨虎，虎忽然飞腾在空中。众尊者曰：“何不回到雷音寺，参见佛祖如来。”慧师随虎而下，诵讲诸品经卷。唤波罗提曰：“我今欲回雷音寺朝佛祖，你在此依佛法而行。”说毕，即现毫光闪闪，见旗幡鼓乐齐鸣。

武帝元年七月二十四日神光圆寂升天。寿岁一百一十九岁。

慧可圆寂放神光，现变无穷出异常。

波提求师传佛教，化行本国德无量。

又诗：

万法尽归空，谁教相寂宗。慧人炉点灵，舜息一陶融。